

**Láhkaásahus Finnmárkku šládjes lastavuvddiid suodjalanplána birra.
Bissojotleagi álbmotmeahci suodjaleapmi Porsáŋggu gielddas, Finnmárkku fylkkas.**

Mearriduvvon Gonagasa geassemánu 29. b. 2007-mannosaš resolušuvnnain, geassemánu 19. b. 1970-mannosaš lága nr. 63 vuodul luonddugáhttema birra 8. paragrafas, gč. § 10 ja §§ 21, 22 ja 23. Birasgáhttendepartemeanta lea dan ovddidan.

§ 1. Ráddjejuvvi

Álbmotmeahcci guoská čuovvovaš dálloŋr./doalloŋr. Porsáŋggu gielddas: 32/1, 32/2, 34/1.

Álbmotmeahcci gokčá su. 7931 dekára sturrosaš areála.

Álbmotmeahci rájit bohtet ovdan Birasgáhttendepartemeantta kárttas mii lea beaiváduvvon geassemánus 2007 ja man mihttolávva lea 1: 27 500. Álbmotmeahci dárkilis rájit galget merkejuvvot eatnamii. Čiegat merkejuvvojit koordináhtaiguin.

Suodjalanláhkaásahus oktan kárttain galgá vurkkoduvvot Porsáŋggu gielddas, Finnmárkku fylkkamánni luhtte, Luondduhálddašandirektoráhtas ja Birasgáhttendepartemeanttas.

§ 2 Ulbmil

Suodjaleami ulbmil lea sealluhit measta lihkatkeahces lastavuovdeguovllu ekovuogádažkan oktan buot lunddolaš šattodagain ja ealliiguin. Guovllu erenoamáš kvalitehtat leat kálkagáibideaddji šattodat dolomihttaeatnamis, johkagádešattodat, beazit daid davimus rájás ja stuorra johkaskurčču. Guovlu lea erenoamáš sadji mas lea šládjes, seagáš šattodat kálkagáibideaddji šlájaguin ja beziiguin muhtun sajiid.

Álbmotmeahci luondduvuodosa dikšun lea dehálaš sámi kultur- ja ealáhusávkkástallamii. Guovllu galgá sáhttit geavahit boazodollui.

§ 3 Suodjalanmearrádušat

Álbmotmeahccái gustojit čuovvovaš mearrádušat:

1. Šattodat, dás maiddái jápmán muorat ja miestagat, galget suodjaluvvot buot vahágahttima ja bilideami vuostá. Luonddumeahcis ii leat lohpi váldit šattuid dahje šaddoosiid. Ođđa šaddošlájaid gilvin ja buktin dohko eatnamii ja sáivačáhcai lea gildojuvvon.
2. Eallit, dás maiddái beasit ja biejut, leat ráfáiduhthtojuvvon vahágahttima, bilideami ja dárbbasmeahtun ráfehuhttima vuostá. Ealliid ii leat lohpi buktit dohko ja luoitit daid dohko eallit.
3. Dakkár doaibmajuid ii galgga čadahit, mat rievdadit luonddubirrasa, numo hukset visttiid ja rusttegiid, áidut ja hukset eará gitta ja gaskaboddasáš ráhkanusaid, guođdit kámpenvávnnaid, bráhkáid jed, fatnasiid giddet boijjaide dahje guođdit gáddái, bidjat eatnanbajábeallásaš jodđasiid, eanajodđasiid ja

duolvačáhcebohciid, hukset geainnuid, roggat goivvohagaid ja eara láhkai goikadit eatnamiid, váldit, deavdit ja vurket mássa, luoitit kloáhka dahje eará čeahkáiduvvan nuoskkidanávdnasiid, guođđit doabbariid, duktet, kálket ja geavahit kemikálaid luottahuhttinávnnasin. Nuoskkideapmi lea gildojuvvon. Logahallan ii leat dievas.

4. Mohtorjohtolat eatnamis ja čázis lea gildojuvvon. Áibmofievrru girdileapmi ja seaivun lea gildojuvvon.
5. Álbmotmeahci geavahit lávvo- ja tealtaleairraide, valáštallanlágidemiide dahje eará stuorra lágidemiide lea gildojuvvon.
6. Luondduhálddašandirektoráhta sáhtá vuhtiiválddidettiin ráfáiduhttinulbmila lánkaasahusain gielddit dahje muddet johtolaga oppa álbmotmeahcis dahje dan osiin.

§ 4 *Oppalaš spiehkastagat*

3. § mearrádusat eai hehte:

1. Militeara operatiiva doaimmaid dahje politiija-, gádjun-, ambulánsa-, buollinsuodjalus- ja bearráigeahččandoaimmaid, ja dakkár dikšun- ja hálddašandoaimmaid čađaheami, maid hálddašaneiseváldi lea mearridan. Hárjehallanvuodjin namuhuvvon doaimmaid oktavuodas gáibida sierra lobi.
3. § nr. 1-3 mearrádusat eai hehte:
2. Geavaheames guovllu guohtumii.
 3. Geavaheames goikeovssiid káfedollii.
 4. Čoaggimis murjiid ja borramušguobbariid.
 5. Bivdima ja gárduma fuođđolága vuodul ja guolásteami luossa- ja sáivaguolástanlága vuodul.
 6. Ortnegisdoallamis dálá visttiid ja rusttegiid.
 7. a) Doaimmas- ja ortnegisdoallamis dálá energiija- ja fápmorusttegiid. Geaseheapmi mohtorfievrruin gáibida sierra lobi, gč. 5. § nr. 3.
b) Divvumis dárbbu mielde el-fápmolinnjáid fáhkka el-fápmojávkama oktavuodas. Go geavaha mohtorfievrru geaseheapmái, de galgá maŋŋá diedihit hálddašaneiseváldái.
c) Dási buorideames/odasmahttimis el-fápmolinnjáid ja sturruideames jodasrastáčuohpahaga nu ahte sáhtá loktet gealdodási nu guhká go dát ii eaktut mearkkašahhti fysihkalaš rievdadusaid mat rihkkot suodjalanulbmila. Geaseheapmi mohtorfievrruin gáibida sierra lobi, gč. 5. § nr. 3.
 8. Dárbblaš mohtorjohtolaga buohcci ja lánmašuvvan šibihiid viežžama oktavuodas. Dat fievru mii geavahuvvo, ii galgga olus golladit luonddu. Ovdalgo vuodjá galgá diedihit bearráigeahččui.
 9. Čorgemis bálgáid.
 10. Ávnnasteami duoji várás.
3. § nr. 1-4 mearrádusat eai hehte:
11. Vuodjimis muohtaskuhteriin dárbbu mielde boazodoalu oktavuodas.
 12. Geavaheames mohtorfatnasa jogas.

§ 5 *Vejolaš spiehkastagat ohcama vuodul*

Hálddašaneiseváldi sáhtá ohcama vuodul addit lobi:

1. Čuohppat sogiid iežas atnui.
2. Hukset šalddiid ja roviid, cegget galbbaid ja merket bálgáid.
3. Johtalit mohtorfievrruiguin dárbbu mielde go lea doaimmas- ja ortnegisdoallamin dálá enegijja- ja el-fápmorusttegiid ja buorideamen daid dási.
4. Johtalit mohtorfievrruiguin dárbbu mielde bievlan boazodoalu ja eanadoalu oktavuodas.
5. Geavahit mohtorfievrru dárbbu mielde dálvesiivun muoraid geasehit.
6. Geasehit mohtorfievrru dárbbu mielde báhččojuvvon ealgga.
7. Johtalit mohtorfievrruiguin dárbbu mielde hárjehallanvuodjima oktavuodas dakkár áigumušaiiguin, mat leat namuhuvvon 4. § 1. čuoggás.
8. Geasehit mohtorfievrruiguin dárbbu mielde dálvesiivun ortnegisdoallanávdnasiid, gč. 4. § nr. 6.
9. Buoridit daid el-fápmolinnjáid dási dahje odasmahttit daid el-fápmolinnjáid maidda ii guoskka 4. § 7. čuokkis.
10. Hukset odđa fápmolinnjáid go dat ii rihko suodjalanulbmila.

Boazodoalu várás lámččojuvvo vejolašvuohta oažžut mánggajagáš lobiid, mat boazodoalus galget oktiordnejuvvot ja váldojuvvot mielde orohatplánii boazodoallolága vuodul, nu ahte ealáhusain sáhtta bargat dohkálaš vuogi mielde.

§ 6 Oppalaš sierralohpemearrádušat

Hálddašaneiseváldi sáhtta spiehkastit lámkaásahusas go suodjaleami ulbmil dan gáibida, ja dieđalaš iskkademiid oktavuodas, servodahkii mearkkašahtti mávssolaš barguid oktavuodas dahje erenoamáš dilálašvuodaid oktavuodas go dat eai rihko suodjaleami ulbmila.

§ 7 Dikšun ja hálddašanplána

Hálddašaneiseváldi, dahje dat geasa hálddašaneiseváldi fápmuda válldi, sáhtta čadahit dikšundoaibmabijuid maiguin ollašuhtta suodjaleami ulbmila. Sáhtta ráhkaduvvot hálddašanplána mas sáhttet leat dárkilet njuolggadusat dikšuma várás.

§ 8 Hálddašaneiseváldi

Luondduhálddašandirektoráhta mearrida geas galgá leat hálddašanváldi dán lámkaásahusa vuodul. Sámi beroštusat galget fuolahuvvot dan hálddašanortnegis mii áshuvvo.

§ 9 Fápmuiboahhtin

Dát lámkaásahus boahhtá fápmui dálán.